

**BOSNA I HERCEGOVINA
FEDERACIJA BOSNE I HERCEGOVINE
EKONOMSKO - SOCIJALNO VIJEĆE ZA TERITORIJU FEDERACIJE BIH**

IZVJEŠTAJ O RADU
za period decembar 2024. - decembar 2025. godine

Sarajevo, januar 2026. godine

IZVJEŠTAJ O RADU **za period decembar 2024. - decembar 2025. godine**

Na osnovu Zakona o radu („Službene novine Federacije BiH“, br. 26/16, 89/18, 44/22 i 39/24), Sporazuma o osnivanju Ekonomsko - socijalnog vijeća za teritoriju Federacije Bosne i Hercegovine („Službene novine Federacije BiH“, br. 47/02, 42/03, 8/08, 13/08, 51/08, 40/10 i 10/11) i Poslovnika o radu Ekonomsko - socijalnog vijeća za teritoriju Federacije Bosne i Hercegovine, na sjednici održanoj 24.12.2024. godine konstituisan je novi saziv Ekonomsko - socijalnog vijeća za teritoriju Federacije Bosne i Hercegovine (u daljem tekstu: ESV).

S tim u vezi, u periodu od konstituiranja novog saziva Ekonomsko - socijalnog vijeća za teritoriju Federacije BiH do kraja 2025. godine, održano je ukupno jedanaest redovnih, kao i jedna vanredna sjednica.

U ovome Izvještaju o radu ESV FBiH za navedeni period date su osnovne naznake centralnih tema sjednica. Isti ne obiluje velikom broju podataka niti opterećuje sa ciframa iznesenim na održanim sjednicama.

I. SJEDNICA ESV FBiH – 24.12.2024.

Dnevni red:

1. *Konstituiranje Ekonomsko - socijalnog vijeća Federacije BiH,*
2. *Razno.*

Nakon više od dvije godine, zbog nemogućnosti određivanja delegacije Sindikata i potpune blokade rada ESV FBiH, zakazana je konstituirajuća sjednica. Na istoj su pristupili predstavnici dva sindikata koji su smatrali da imaju pravo biti članovi ESV. Nakon kratke rasprave predloženo je da se predstavnici dva sindikata izdvoje te pokušaju dogovoriti sastav jedinstvene delegacije Sindikata.

U nastavku sjednice, predstavnici Sindikata upoznali su delegacije Vlade i UP FBiH da su isti postigli dogovor o sastavu njihove delegacije. Zamolili su da njihova delegacija broji osam (8) članova što su predstavnici poslodavaca i Vlade prihvatili.

Ovim činom kompletirane su sve delegacije socijalnih partnera čime je omogućen normalan i nesmetan rad ESV BiH,

II. SJEDNICA ESV FBiH – 30.12.2024.

Dnevni red:

1. *Usvajanje zapisnika sa I. sjednice Ekonomsko - socijalnog vijeća za teritoriju Federacije BiH održane dana 24.12.2024. godine;*
2. *Razmatranje prijedloga Uredbe o minimalnim primanjima zaposlenika u Federaciji BiH;*

3. *Prijedlog za produženje primjene Uredbe iz 2024. godine (januar 2025.);*
4. *Prijedlog za donošenje Uredbe o maksimalnom povećanju električne energije u 2025. godini;*
5. *Tekuća pitanja.*

Centralne teme druge redovne sjednice ESV-a bile su rasprave delegacija socijalnih partnera o prijedlogu Uredbe o minimalnim primanjima zaposlenika u FBiH, prijedlogu za produženje primjene Uredbe o isplati pomoći od strane poslodavaca („Službene novine Federacije BiH“, br. 56/24 i 104/24) i prijedlogu za donošenje Uredbe o maksimalnom povećanju električne energije u 2025. godini.

Socijalni partneri su posebnu pažnju posvetili raspravi o minimalnim primanjima, odnosno minimalnoj plaći za 2025. godinu prezentiranu od strane delegacije UP FBiH. Nakon rasprave i provedenog glasanja zaključeno je da ne postoji konsenzus vezano za dostavljeni prijedlog, odnosno da nema saglasnosti ESV FBiH.

Na prijedlog UP FBiH, socijalni partneri jednoglasno su donijeli Zaključak da se prema Vladi FBiH uputi prijedlog za produženje primjene važeće Uredbe o isplati pomoći radnicima od strane poslodavaca do 31.01.2025. godine.

Nakon uvodnog izlaganja predstavnika EP BiH i provedene rasprave o određivanju maksimalne cijene električne energije na prostoru FBiH zaključeno je da socijalni partneri nemaju jedinstven stav te da dostavljeni prijedlog nema saglasnost ESV-a.

Na kraju sjednice, predstavnici Vlade FBiH iznijeli su prijedlog Odluke o minimalnoj plaći za 2025. godinu u iznosu od 1.000 KM. Nakon rasprave zaključeno je da prezentirani prijedlog nema podršku svih socijalnih partnera, odnosno nema saglasnost ESV-a.

III. SJEDNICA ESV FBiH – 13.01.2025.

Dnevni red:

1. *Usvajanje Zapisnik sa II. sjednice Ekonomsko - socijalnog vijeća za teritoriju Federacije BiH,*
2. *Razmatranje zahtjeva delegacije Udruženja poslodavaca u Federaciji BiH za preispitivanje Odluke o iznosu najniže plaće za 2025. godinu (“Službene novine Federacije BiH”, broj: 104/24), Vlade Federacije BiH.*

Na sjednici je razmatran zahtjev delegacije Udruženja poslodavaca u FBiH o preispitivanju Odluke o iznosu najniže plaće za 2025. godinu. U raspravi je učestvovalo više članova socijalnih partnera te nakon provedenog glasanja, doneseni su sljedeći zaključci:

- ESV prihvata Odluku o iznosu najniže plaće za 2025. godinu, donesenu od strane Vlade FBiH.
- Rast minimalne plaće socijalni partneri ocjenjuju kao namjeru Vlade FBiH da poboljša standard radnika, ali s obzirom na to da će isti prouzrokovati dodatna opterećenja poslodavaca, u cilju donošenja konkretnih mjera za rasterećenje poslodavaca, Vlada FBiH će do ponedjeljka, 20.01.2025. godine, pripremiti set mjera koji će olakšati poslodavcima provođenje Odluke o iznosu najniže plaće za 2025. godinu, a koje će predstaviti ESV-u.

IV. SJEDNICA ESV FBiH – 22.01.2025.

Dnevni red:

1. *Usvajanje Zapisnika sa III. sjednice Ekonomsko - socijalnog vijeća za teritoriju Federacije BiH,*
2. *Razmatranje zahtjeva delegacije Udruženja poslodavaca u Federaciji BiH za preispitivanje Odluke o iznosu najniže plaće za 2025. godinu ("Službene novine Federacije BiH", broj: 104/24), Vlade Federacije BiH.*
3. *Razno.*

Na ovoj sjednici ponovno je razmatran zahtjev delegacije Udruženja poslodavaca u FBiH za preispitivanje Odluke o iznosu najniže plaće za 2025. godinu.

Delegacija Vlade FBiH informisala je prisutne o planiranim budžetskim sredstvima za 2025. godinu, te je iznijela prijedloge o implementaciji istih s ciljem definisanja mjera kojima bi se poslodavcima olakšalo provođenje Odluke o iznosu najniže plaće za 2025. godinu, nakon čega su usvojeni sljedeći zaključci:

- ESV podržava aktivnosti Vlade FBiH na poboljšanju standarda radnika, te rasterećenja privrede oslobađanjem plaćanja dijela doprinosa na razliku plaće do i preko iznosa od 1.000,00 KM i to:
 - minimalne plaće od 1.000,00 KM za šta Vlada FBiH treba predložiti kriterije za oslobađanje doprinosa, odnosno refundaciju doprinosa za razliku ranije sa novoutvrđenom minimalnom plaćom, kao i to šta sve ulazi u iznos minimalne plaće;
 - procentualni iznos pokriva dijela doprinosa do 304,00 KM za šta Vlada FBiH treba predložiti kriterije za pokriće razlike doprinosa;
 - oslobađanje od plaćanja doprinosa na ime pokriva rasta plaća do mjesečnog iznosa 450,00 KM po radniku, za šta je potrebno pripremiti Uredbu u čiju izradu će uzeti učešće i predstavnici Udruženja poslodavaca FBiH.
- Vlada FBiH se obavezuje da pripremi i u parlamentarnu proceduru uputi set fiskalnih propisa, koje treba usvojiti najkasnije do 30.09.2025. godine. U pripremi ovih propisa uključiti predstavnike socijalnih partnera.

V. SJEDNICA ESV FBiH – 03.02.2025.

Dnevni red:

1. *Usvajanje zapisnika sa IV. redovne sjednice Ekonomsko - socijalnog vijeća za teritoriju Federacije BiH održane dana 22.01.2025. godine;*
2. *Prijedlozi mjera i pravnih akata Vlade FBiH vezano za obračun i isplatu minimalne plate te kriterija za refundaciju ili sufinansiranja doprinosa shodno Odluci o minimalnoj plati za 2025. godinu.*
3. *Tekuća pitanja.*

Prijedlog mjera i pravnih akata Vlade FBiH vezano za obračun i isplatu minimalne plaće, te kriterija za refundaciju ili sufinansiranja doprinosa shodno Odluci o najnižoj plaći za 2025. godinu prezentirali su predstavnici Vlade FBiH. S tim u vezi prezentirane su Uredba o isplati pomoći radnicima od strane poslodavaca i Uredbu o mjerama finansijske pomoći privatnim poslodavcima, obrtima i ostalim samostalnim djelatnostima u FBiH u cilju održavanja radnih mjesta za 2025. godinu, što je rezultiralo donošenjem zaključaka kako slijedi:

- ESV podržava donošenje Uredbe o isplati pomoći radnicima od strane poslodavaca usljed ublažavanja posljedica povećanja troškova života.
- ESV podržava donošenje Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u FBiH u cilju održavanja radnih mjesta za 2025. godinu, na bazi vođene diskusije, razmjene mišljenja i utvrđenih prijedloga tokom sjednice ESV-a.

VI. SJEDNICA ESV FBiH – 25.02.2025.

Dnevni red:

1. *Zakon o izmjenama i dopunama Zakona o doprinosima ("Službene novine Federacije BiH", br. 35/98, 54/00, 16/01, 37/01, 48/01 – dr. zakon, 1/02, 17/06, 14/08, 91/15, 104/16, 34/18, 99/19, 4/21, 6/23 i 28/23 – odluka US);*
2. *Tekuća pitanja.*

Toni Kraljević, ministar finansija, upoznao je prisutne o predloženom Zakonu o izmjenama i dopunama Zakona o doprinosima, na način da se smanjuje zbirna stopa za 13,25%, odnosno za 5,50 indeksna boda, tj. sa 41,50% na 36,00%, po čemu se stope doprinosa na plaću, koje idu na teret poslodavca, za penzijsko i invalidsko osiguranje smanjuju se sa 6,00% na 2,50%, te stopa doprinosa za zdravstveno osiguranje sa 4,00% na 2,00%.

Mirjana Vučić, pomoćnici federalnog ministra finansija, istakla je da se navedenim izmjenama i dopunama, osim navedenog, prvi put definira nepuno radno vrijeme, na način da za radnike koji rade nepuno radno vrijeme, odnosno čije je radno vrijeme četiri (4) sata ili manje, osnovica za obračun doprinosa ne može biti ispod 50% najniže plaće, te kaznene odredbe za nepoštivanje člana 7. navedenog zakona.

Nakon provedene rasprave, u kojoj su učestvovali predstavnici sva tri socijalna partnera, donesen je slijedeći zaključak:

- ESV podržava aktivnosti Vlade FBiH i Parlamenta FBiH na donošenju Zakon o izmjenama i dopunama Zakona o doprinosima.

VII. SJEDNICA ESV FBIH – 29.04.2025.

Dnevni red:

1. *Usvajanje zapisnika sa V. redovne sjednice Ekonomsko - socijalnog vijeća za teritoriju Federacije BiH održane dana 03.02.2025. godine;*
2. *Usvajanje zapisnika sa VI. redovne sjednice Ekonomsko - socijalnog vijeća za teritoriju Federacije BiH održane dana 25.02.2025. godine;*
3. *Analiza efekata Odluke o iznosu najniže plaće za 2025. godinu ("Službene novine Federacije BiH", broj: 104/24) – za prvi kvartal 2025. godine;*
4. *Razmatranje prijedloga o nastavku aktivnosti na fiskalnim reformama do kraja 2025. godine;*
5. *Analiza problema u oblasti trgovine;*
6. *Tekuća pitanja;*

Na sedmoj sjednici ESV-a analizirani su efekti Odluke o iznosu najniže plaće za 2025. godinu („Službene novine Federacije BiH“, broj: 104/24) - za prvi kvartal 2025. godine; razmatranje prijedloga o nastavku aktivnosti na fiskalnim reformama do kraja 2025. godine; analiza problema u oblasti trgovine i tekuća pitanja koja se odnose na prijedlog za donošenje Uredbe o visini dnevnica za službena putovanja.

Imajući u vidu navedeno, nakon usvajanja zapisnika sa prethodne dvije sjednice i završetka rasprave u vezi analize efekata Odluke o iznosu najniže plaće za 2025. godinu, predviđenu u okviru 2. tačke dnevnog reda, usvojeni su sljedeći zaključci:

- ESV zaključuje da, na bazi prezentiranih podataka Federalnog zavoda za zapošljavanje i Porezne uprave FBIH, odluka o minimalnoj plaći nije prouzorkovala pad broja zaposlenih.
- Uredba o mjerama finansijske pomoći privatnim poslodavcima, obrtima i ostalim samostalnim djelatnostima u FBIH u cilju održavanja radnih mjesta za 2025. godinu, obuhvatila je veliki broj poslodavaca i zaposlenika, te značajno anulirala mogući negativan uticaj rasta minimalne plaće na broj uposlenih u realnom sektoru FBIH.
- Evidentno je da se Uredba o isplati pomoći radnicima od strane poslodavaca primjenjuje u skladu s poslovnim rezultatima i mogućnostima poslodavaca.
- ESV podržava prijedlog da Porezna uprava FBIH dostavi zvanične podatke vezano za primjenu Uredbe o isplati pomoći radnicima od strane poslodavaca.

U pogledu tačke dnevnog reda koja se odnosi na razmatranje prijedloga o nastavku aktivnosti na fiskalnim reformama do kraja 2025. godine, nakon okončane rasprave, usvojeni su sljedeći zaključci:

- ESV daje podršku aktivnostima koje će doprinijeti da se u što kraćem periodu donese Zakon o fiskalizaciji transakcija kao jednim od uvjeta za smanjenje doprinosa.
- ESV očekuje da se do kraja godine realizuju planirane aktivnosti na provođenju fiskalnih reformi.

Nakon prezentovanja analize problema u oblasti trgovine, usvojeni su zaključci kako slijedi:

- ESV podržava aktivnosti Vlade FBiH na provođenje aktivnosti na izmjenama i dopunama Zakona o unutrašnjoj trgovini FBiH, te da se isti nakon utvrđivanja Prijedloga dostavi ESV-u.
- ESV predlaže da Vlada FBiH pokrene proceduru izmjene zakonskih rješenja u vezi roba koje se isporučuju putem pošte bez plaćanja carina i poreza.

U okviru prezentiranog prijedloga koji se odnosi na izmjenu Uredbe o visini dnevnica za službena putovanja, usvojen je zaključak kojim ESV pokreće inicijativu o izmjeni Uredbe o naknadama troškova za službena putovanja.

VIII. SJEDNICA ESV FBiH – 30.06.2025.

Dnevni red:

1. *Usvajanje zapisnika sa VII. redovne sjednice Ekonomsko - socijalnog vijeća za teritoriju Federacije BiH održane dana 29.04.2025. godine;*
2. *Informacija o realizaciji:*
 - *Uredbe o isplati pomoći radnicima od strane poslodavca u periodu I-V 2025. godine,*
 - *Uredbe o mjerama finansijske pomoći za očuvanje radnih mjesta u Federaciji BiH za 2025. godinu*
3. *Prijedlog izmjena i dopuna Uredbe o isplati pomoći radnicima od strane poslodavaca.*
4. *Informacija o aktivnostima Vlade i Parlamenta Federacije BiH na donošenju zakonskih i podzakonskih akata sa ciljem provođenja fiskalnih reformi u 2025. godini.*
5. *Tekuća pitanja:*
 - *Informacija o realizaciji Zaključka sa sjednice ESV FBiH za donošenje Uredbe o visini dnevnica za službena putovanja,*
 - *Informacija o realizaciji Zaključka sa sjednice ESV FBiH o izmjenama i dopunama Zakona o zdravstvenom osiguranju u Federaciji BiH.*

Centralne teme osme redovne sjednice ESV-a, bile su Informacije o realizaciji Uredbe o isplati pomoći radnicima od strane poslodavaca u periodu I-V 2025. godine i Uredbe o mjerama finansijske pomoći za očuvanje radnih mjesta u FBiH te Prijedlog izmjena i dopuna Uredbe o isplati pomoći radnicima od strane poslodavaca. Također, zatražena je i informacija o realizaciji zaključaka sa sjednice ESV-a za donošenje Uredbe o visini dnevnica za službena putovanja i izmjenama i dopunama Zakona o zdravstvenom osiguranju u FBiH.

Nakon prezentiranih informacija o realizaciji Uredbe o isplati pomoći radnicima od strane poslodavaca u periodu I-V 2025. godine i Uredbe o mjerama finansijske pomoći za očuvanje radnih mjesta u FBiH, usvojen je zaključak da ESV, na bazi prezentiranih podataka od strane premijera i dopremijera Vlade FBiH, smatra da su donesene uredbe dale pozitivne rezultate kroz pomoć u subvencioniranju razlike doprinosa kao i isplatu iznosa plaće do 450,00 KM.

ESV je donijelo zaključak po kojem se pokreće inicijativu prema Vladi FBiH da razmotri prijedlog o produženju važenje Uredbe o isplati pomoći radnicima od strane poslodavca zaključno do 31.07.2025. godine.

Također, na predmetnoj sjednici, po prezentiranju informacije o aktivnostima Vlade FBiH i Parlamenta FBiH na donošenju zakonskih i podzakonskih akata s ciljem provođenja fiskalnih reformi u 2025. godini, usvojen je zaključak da shodno prezentiranim informacijama, ESV daje punu podršku aktivnostima Vlade FBiH i Parlamenta FBiH da što prije budu doneseni zakoni kojima će se izvršiti fiskalna reforma.

U okviru tačke dnevnog reda koja se odnosi na tekuća pitanja, nakon rasprave o istim doneseni su sljedeći zaključci:

- ESV pokreće inicijativu da Federalno ministarstvo pravde, na prijedlog Sindikata i Udruženja poslodavaca u FBiH, u što kraćem roku, pokrene aktivnosti ka Vladi FBiH i dostavi prijedlog izmjene Uredbe o visini dnevnice za službena putovanja.
- ESV podržava prijedlog federalnog ministra zdravstva da, u skladu sa prijedlogom Udruženja poslodavaca u FBiH, u što kraćem vremenskom periodu pokrene aktivnosti o izmjenama i dopunama Zakona o zdravstvenom osiguranju FBiH.

IX. SJEDNICA ESV FBiH – 13.11.2025.

Dnevni red:

1. *Usvajanje zapisnika sa VIII. redovne sjednice Ekonomsko - socijalnog vijeća za teritoriju Federacije BiH održane dana 30.06.2025. godine.*
2. *Usvajanje zapisnika sa I. vanredne sjednice Ekonomsko - socijalnog vijeća za teritoriju Federacije BiH održane dana 30.07.2025. godine;*
3. *Prezentacija odredba Zakona o fiskalizaciji transakcija u Federaciji BiH;*
4. *Tekuća pitanja.*

Na devetoj redovnoj sjednici ESV-a, od strane Dudo Medine pomoćnice federalnog ministra finansija izvršena je prezentacija odredaba Zakona o fiskalizaciji transakcija u FBiH. Tom prilikom istaknuto je da je kroz javnu raspravu i zaprimljene prijedloge izmjena i dopuna nacрта zakona izrađen prečišćeni i dopunjeni prijedlog zakona koji je upućen Parlamentu FBiH na usvajanje.

Nakon diskusije, u kojoj je učestvovalo više članova socijalnih partnera, usvojen je zaključak da ESV podržava aktivnosti usmjerene na skorom donošenju Zakona o fiskalizaciji transakcija u FBiH.

X. SJEDNICA ESV FBiH – 01.12.2025

Dnevni red:

1. *Razmatranje i usvajanje Zapisnika za IX. redovne sjednice ESV-a FBiH;*
2. *Informacija o implementaciji mjera Vlade FBiH:*
 - *Uredbe o isplati pomoći radnicima od strane poslodavca,*
 - *Uredbe o mjerama finansijske pomoći za očuvanje radnih mjesta u Federaciji BiH za 2025. godinu,*

- *Uredba o mjeri finansijske pomoći niskoakumulativnih djelatnostima u FBiH u cilju podržavanja postojećih radnih mjesta za 2025. godinu.*
- 3. *Informacija o statusu inicijativa ESV-a FBiH za izmjene i dopune:*
 - *Zakona o doprinosima Federacije BiH,*
 - *Zakona o zdravstvenom osiguranju Federacije BiH.*
- 4. *Informacija o realizaciji zaključaka sa prethodne sjednice ESV-a:*
 - *Uredbe o visini dnevnica za službena putovanja.*
- 5. *Dogovor oko pripreme i organizacije sastanka vezano za minimalnu platu u 2026. godinu.*
- 6. *Tekuća pitanja:*
 - *Isplata pomoći poslodavcima koji su izmirili Uredbom predviđene obaveze i ispunili kriterije za isplatu.*

Nakon prezentiranih informacija o implementaciji mjera Vlade FBiH u pogledu Uredbe o isplati pomoći radnicima od strane poslodavaca, Uredbe o mjerama finansijske pomoći za očuvanje radnih mjesta u FBiH za 2025. godinu i Uredbe o mjeri finansijske pomoći niskoakumulativnim djelatnostima u FBiH u cilju podržavanja postojećih radnih mjesta za 2025. godinu, usvojeni su sljedeći zaključci:

- ESV za teritoriju FBiH prima ka znanju prezentiranu informaciju i podržava aktivnosti Vlade FBiH i Federalnog ministarstva razvoja, poduzetništva i obrta na dosljednoj implementaciji Uredbe o mjerama Vlade FBiH za očuvanje radnih mjesta u FBiH za 2025. godinu.
- ESV podržava stav Vlade FBiH i Federalnog ministarstva razvoja, poduzetništva i obrta da se svim poslodavcima koji su ispunili uvjete iz Uredbe o mjerama Vlade FBiH za očuvanje radnih mjesta u FBiH za 2025. godinu, omogućiti da, od mjeseca ispunjenja uvjeta, ostvare pravo na subvenciju doprinosa razlike ranije minimalne plaće (650,00 KM) do novo utvrđene minimalne plaće u iznosu od 1.000,00 KM.

Također, na dnevnom redu navedene sjednice razmatrana je i informacija o statusu inicijativa ESV-a za izmjene i dopune Zakona o doprinosima FBiH i Zakona o zdravstvenom osiguranju FBiH, u vezi kojih su usvojeni sljedeći zaključci:

- ESV konstatira da Zakon o izmjenama i dopunama Zakona o doprinosima može biti predmet rasprave nakon što Parlament FBiH usvoji Zakon o fiskalizaciji transakcija u FBiH.
- ESV traži od Federalnog ministarstva zdravstva da u najkraćem mogućem roku pripremi i dostavi na razmatranje izmjene Zakona o zdravstvenom osiguranju FBiH.

U pogledu tačke dnevnog reda koja se odnosi na informaciju o realizaciji zaključaka sa prethodne sjednice ESV-a, konkretno Uredbe o visini dnevnica za službena putovanja, po zaključenoj raspravi o istoj usvojen je zaključak da ESV očekuje da na sljedećoj sjednici dobije informaciju da je Vlada FBiH donijela novu Uredbu o maksimalnom iznosu dnevnica za službena putovanja.

U okviru tačke dnevnog reda koja predviđa postizanje dogovora oko pripreme i organizacije sastanka u vezi utvrđivanja iznosa najniže plaće za 2026. godinu, predsjednik ESV-a je predložio formiranje Radne grupe koja će iznijeti prijedloge svih

delegacija. S tim u vezi, navedeni sastanci, na kojima su prisustvovali imenovani predstavnici svih delegacija, održani su dana 09.12. i 11.12.2025. godine.

XI. SJEDNICA ESV FBiH – 19.12.2025.

Dnevni red:

- 1. Razmatranje i usvajanje Zapisnika sa X. redovne sjednice ESV-a FBiH;*
- 2. Informacija Radne grupe o prijedlozima za utvrđivanje iznosa najniže plaće za 2026. godinu.*
- 3. Informacija o realizaciji Zaključaka sa prethodnih sjednica ESV-a FBiH statusu inicijativa ESV-a FBiH za izmjene i dopune.*
- 4. Tekuća pitanja.*

Na jedanaestoj redovnoj sjednici ESV-a, pored ostalog, razmatrana je Informacija Radne grupe o prijedlozima za utvrđivanje iznosa najniže plaće za 2026. godinu te Informacija o realizaciji zaključaka sa prethodnih sjednica ESV-a.

U raspravi o prijedlozima delegacija koji se odnose na utvrđivanje iznosa minimalne plaće za 2026. godinu, učestvovali su skoro svi prisutni članovi socijalnih partnera, Nakon okončane donesen zaključak da su socijalni partneri postigli punu saglasnost da se iznos najniže plaće za 2026. godinu utvrdi u skladu sa kriterijima Uredbe o metodologiji izračuna i usklađivanja najniže plaće u Federaciji BiH..

Na dnevnom redu predmetne sjednice predviđeno je i razmatranje informacije o realizaciji zaključaka sa prethodnih sjednica ESV-a, ali obzirom da nije bilo novih podataka u odnosu na one koji su u prethodnom periodu izneseni, konkretna tačka dnevnog reda nije zahtjevala donošenje zaključaka.

VANREDNA SJEDNICA ESV FBiH – 30.07.2025.

Prva, ujedno i jedina vanredna sjednica ESV-a, održana je dana 30.07.2025. godine, a na istoj su, u smislu predviđenog dnevnog reda, razmatrani prijedlozi uredbi Vlade FBiH. S tim u vezi, ista je rezultirala donošenjem zaključaka da ESV podržava prijedlog Vlade FBiH za donošenje Uredbe o izmjenama Uredbe o mjerama finansijske pomoći privatnim poslodavcima, obrtima i ostalim samostalnim djelatnostima u FBiH s ciljem održavanja postojećih radnih mjesta za 2025. godinu i Uredbe o izmjenama i dopunama Uredbe o isplati pomoći radnicima od strane poslodavca.

Po zahtjevu delegacije Vlade FBiH, na navedenoj sjednici prezentiran je Prijedlog Zakona o izmjenama i dopunama Zakona o visini stope zatezne kamate na javne prihode, te je nakon zaključene rasprave o konkretnom pitanju donesen zaključak da ESV podržava prijedlog Vlade FBiH za donošenje Zakona o izmjenama i dopunama Zakona o visini stope zatezne kamate na javne prihode.

Pored prethodno navedenih aktivnosti, koje su se odnosile na održane sjednice ESV-a, u toku 2025. godine, predsjednik ESV-a je razmatrao upite i materijale koji su zaprimljeni od strane socijalnih partnera i zainteresiranih strana.

Također, Stručna služba ESV-a kontinuirano je sprovodila aktivnosti koje se odnose na ekonomsko - finansijske poslove, organizovanje sjednica ESV-a i vođenje zapisnika sa istih, korespondenciju sa članovima ESV-a i drugim relevantnim stranama, kao i pripremu potrebnih akata.

Sarajevo, Januar 2026. godine

STRUČNE SLUŽBE ESV FBIH

PREDSJEDNIK ESV FBIH

Dr.sc. Čengić Safudin s.r.